



## RHODD CYMODI COSTUS CRIST

### WYTHNOS 5

“Cynnig gweledigaeth gyda Crist yn ganolog ar gyfer cymodi mewn cymdeithas amlddiwylliannol.”

**Ysgrythur:** Ioan 14: 5-7 NRSV (Seisnigeiddiwyd)

#### Myfyrdod

Yr wythnos diwethaf fe wnaethon ni fyfyrion ni ar ddysgu o brofiad Cristnogion Sri Lanka yn eu gwaith heddwch a chymodi. Mae eu perthynas gyda ffydd eraill yn ffurfio rhan hanfodol o'u gwaith adeiladu heddwch. Drwy gydol degawdau o wrthdaro treisgar, mae pobl Sri Lanka wedi bod yn dyst i ganlyniadau dinistriol iaith, agweddau ac ymddygiad sydd yn ceisio dad-ddyneiddio a hyd yn oed difrïo pobl wrth i ni ddiffinio pa beth yw bod tu allan i'n cymuned. Wrth iddyn nhw weithi i ailadeiladu'r hyn a gafodd ei ddinistrio gan drais ac anghyfiawnder, a goresgyn sawl argyfwng gwleidyddol a chymdeithasol, maen nhw wedi gweld gwrth arweinyddol cymunedau ffydd yn dod ynghyd er mwyn amddiffyn a hyrwyddo'r hyn sy'n dda i bawb.

Bu deialog rhyng-ffydd yn faes o ddiddordeb cynyddol i'r mudiad eciwmenaidd mewn degawdau diweddar, ar yr ynysoedd hyn ac yn rhyngwladol. Mae gwaith CTBI yn y maes yma yn seiliedig ar bedwar egwyddor a ddatblygwyd gan Gyngor Eglwysi Prydain, a wnaeth yn ei dro, addasu'r hyn a ddysgwyd o brofiad Cyngor Eglwysi'r Byd:

- Bydd deialog yn dechrau pan fydd pobl yn cwrdd â'i gilydd.
- Mae deialog yn dibynnu ar gyd-ddealltwriaeth a chyd-ymddiriedaeth.
- Mae deialog yn ei gwneud hi'n bosibl i rannu mewn gwasanaeth i'r gymuned.
- Daw deialog yn gyfrwng tystiolaeth dilys.

Ar hyd Prydain ac Iwerddon mae ein haelod eglwysi wedi ymgysylltu, yn unigol ac ar y cyd, mewn ystod o fentrau dialog a chydweithio gyda chynrychiolwyr ffydd eraill. Yn ystod pandemig COVID-19, cyfrannodd ddialog rhwng cymunedau ffydd a llywodraethau yn gadarnhaol tuag at adeiladu perthynas a chyd-ddealltwriaeth. Gwelsom hefyd arwyddocâd cymunedau ffydd yn dod ynghyd ar adegau o argyfwng a thrawma cymunedol, fel enghraifft [yr ymateb ffydd a gafwyd i drychineb Tŵr Grenfell yn 2017](#), fel y gwelir yn ymchwil Melin Drafod Theos.

Fodd bynnag mae tensiynau, heriau a bylchau sylweddol yn parhau i fodoli. Gall pobl sy'n dod o ffydd eraill ar wahân i Gristnogaeth barhau i deimlo'n angof neu wedi eu hymylu mewn cymdeithasau a luniwyd i raddfa helaeth gan y ffydd Gristnogol. Hyd yn oed mewn cyd-destun lle gwelir seciwlareiddio cynyddol, gellir fframio ymgysylltiad arweinwyr gwleidyddol a gwneuthurwyr polisi â hunaniaeth grefyddol mewn termau Cristnogol yn bennaf. Ceir galwadau am ostyngieiddrwydd, parch a haelioni pellach gan eglwysi wrth iddyn nhw gydnabod cymunedau ffydd eraill. Gall Cristnogion ymdrechu gyda'r hyn mae'n ei olygu i fyw yn ffyddlon fel disgyblion Crist, gan dderbyn mai yng Nghrist mae'r ffordd tuag at iachawdwriaeth, fel yr amlinellir yn narn heddiw o'r Ysgrythur, yn ein perthynas gyda thraddodiadau ffydd eraill. Yn yr Efengylau hefyd y gwelwn Crist yn dangos gostyngieiddrwydd, parch a haelioni yn ei gyfarfyddiad gyda phobl eraill o ffydd a hunaniaethau. Yn wir, yr hyn sydd yn amlygu ei hun gryfaf yw bwriad Crist o groesi ffiniau cymdeithasol er mwyn rhoi'r sawl a gafodd eu hymylu gan ei gymuned ei hun wrth ganol y stori.

Yn ystod y flwyddyn ddiwethaf, mae'r cynrychiolwyr rhyng-ffydd a ddygwyd ynghyd gan CTBI, wedi myfyrio ar yr hyn mae'n ei olygu i gynnig Crist mewn cymdeithas amlddiwylliannol, gan ganolbwyntio'n arbennig ar [sut efallai y byddwn yn gweddio gyda phobl o ffydd wahanol](#), a'r hyn mae'n ei olygu i weithio dros [dwf eglwysig mewn cymunedau lle mae grwpiau ffydd eraill yn bresennol](#). Dydyn ni ddim yn ceisio rhoi atebion terfynol na hawdd, ond yn hytrach ceisiwn fyfyrion onest ynglŷn â chymhlethdod y materion hyn, tra'n cadw o'n blaenau'r gobaith y gallwn estyn allan i bobl eraill o fan lle mae Crist yn ganolog, mewn modd sydd yn arwain at wasanaeth i'r gymuned a thystiolaeth ffydd ddilys. Gweddiwn am ddoethineb i ofyn cwestiynau da ac i ymgysylltu gyda dewrder a hyder yn ein ffydd, fel na bod cyfleoedd i dystio yn mynd ar goll drwy ofn.

## Cwestiynau

- Beth mae'n ei olygu i fyw ein ffydd Gristnogol mewn byd sydd yn grefyddol a diwylliannol lluosryw?
- Pa rwystrau i ddeialog onest ac ystyrlon fyddwch chi'n dod ar eu traws gyda phobl o ffydd eraill? Beth allai helpu i gyfeirio at rain?
- Ydy eich eglwys, yn eich profiad chithau, yn annog ymgysylltiad rhyng-ffydd yn weithgar? Pa newidiadau, os oes angen, yr hoffech chi eu gweld yn yr ymagwedd tuag at ddeialog rhyng-ffydd?

## Camau Gweithredu

- Allech chi greu, yn eich eglwys leol neu gyd-destun eciwmenaid, gyfle newydd ar gyfer cyfarfod, deialog a lletygarwch ar y cilyddol gyda chynrychiolydd o gymuned ffydd arall, neu aml gymunedau ffydd?
- Ystyriwch yr hyn a ddysgwyd gan Gyd Gyngor Eglwysi'r Byd a Chyngor Archoffeiriadol dros Ddeialog Rhyng-grefyddol [Gwasanaethu Byd Clwyfedig mewn Cydsafiad Rhyng-grefyddol: Galwad Cristnogol i Weithredu yn ystod Covid-19 a thu hwnt](#). Beth sy'n cyseinio gyda chithau? Sut allech chi roi'r ddysg hwn ar waith mewn meysydd eraill?
- Allech chi wahodd cynrychiolydd o ffydd arall i sgwrsio am ei brofiad o weddi ac addoli er mwyn helpu datblygu parch a dealltwriaeth gilyddol?

## Gweddi

Dduw cariadus,  
Mae gwahaniad a gelyniaeth rhwng pobl o ffydd  
yn gwanhau byd clwyfedig  
ac yn rhwystro'r llwybr i heddwch.  
Gweddiwn dros bawb sy'n gweithio  
i gryfhau rhwymau cymrodoriaeth  
rhwng cymunedau ffydd gwahanol.  
Bendithia'r gwaith yma o gyfarfod, deialog a chyfeillgarwch  
fel y bydd yn dwyn ffrwyth mewn cymunedau cyfiawn a thrugarog.  
Helpa bob un ohonom i ddod at bobl o ffydd eraill  
heb ofn na rhagfarn  
gyda chalonnau sy'n agored i rannu Crist  
a gwella perthnasau toredig  
drwy wrando'n rasol.  
Amen